

Akiliisarnermik kiffartuussisarneq pillugu inatsisip allannguutaa pillugu inatsimmi § 2-p ilaata, aningaasanik ingerlataqarneq pillugu inatsisip, aningaasanit peqquserluutinit iluanaarutininik malunnarunnaarsaasarnermik aamma pinerliiniarnerit aningaasalersorneqartarnerinik akiuiniarluni iliuuserisassat pillugit inatsisip aamma atuisut pillugit isumaqatigiissutit ilaat pillugit inatsisip Kalaallit Nunaannut atuutilersitsineq pillugu peqqussut (E-aningaasanik najoqqutassap il.il. naammassineqarnera)

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

Akiliisarnermik kiffartuussisarneq pillugu inatsisip allannguutaa pillugu inatsimmi § 2-p ilaata, aningaasanik ingerlataqarneq pillugu inatsisip, aningaasanit peqquserluutinit iluanaarutininik malunnarunnaarsaasarnermik aamma pinerliiniarnerit aningaasalersorneqartarnerinik akiuiniarluni iliuuserisassat pillugit inatsisip aamma atuisut pillugit isumaqatigiissutit ilaat pillugit inatsisip Kalaallit Nunaannut atuutilersitsineq pillugu peqqussut (E-aningaasanik najoqqutassap il.il. naammassineqarnera) inatsit nr. 1553, 21. december 2010-meersumi § 7, imm. 2,¹ naapertorlugu aalajangersarneqarpoq:

§ 1

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut allanngortinneqartumi, makku allanngortinneqarput:

1. § 1, imm. 1-mi, »2-13« imatut allanngortinneqarpoq: »2-12«.
2. § 1, imm. 10, atorunnaarpoq.
Imm. 11-17 matumakingorna imm. 10-16-nngorput.
3. (Kalaallit Nunaannut atulersinneqanngilaq)
4. (Kalaallit Nunaannut atulersinneqanngilaq)
5. § 5, imm. 1, nr. 6-mi, »nr. 2-12« kingorna ikkunneqarpoq: »amma 15«.
6. § 61, imm. 5, nr. 2-mi, »imaluunniit § 308« peerneqarpoq.
7. Immikkoortoq IX atorunnaarpoq.
8. § 354 b, imm. 2-mi, », 308« peerneqarpoq.

9. § 361, imm. 1, nr. 24 aamma 25-mi, »akiliisarnermik kiffartuussinerit pillugit Danmarkimut inatsit« imatut allangortinneqarpoq: »akiliisarnermi kiffartuussinerit aamma elektroniskimik aningaasat pillugit inatsit, kunngip peqqussutaatigut Kalaallit Nunaannut atulersinneqartoq«.

10. § 361, imm. 1-mi, nr. 28 aamma 29-tut ikkunneqarput:

»28) E-mik aningaaseriviit, akiliisarnermi kiffartuussinerit aamma elektroniskimik aningaasat pillugit inatsit, kunngip peqqussutaatigut Kalaallit Nunaannut atulersinneqartoq naapertorlugu, ukiumut 60.000 kr.-inik akiliisassaaq.

29) E-mik aningaaseriviit killeqartumik akuersissuteqartut, akiliisarnermi kiffartuussinerit aamma elektroniskimik aningaasat pillugit inatsit, kunngip peqqussutaatigut Kalaallit Nunaannut atulersinneqartoq naapertorlugu, ukiumut 6.000 kr.-inik akiliisassaaq.«

11. § 373, imm. 1-mi, »308, imm. 1, 2 aamma 7, §§ 309 aamma 310, § 317, imm. 1 aamma imm. 3, oqaaseqatigiit siullit, § 320, imm. 1, § 321, § 322, imm. 2, §§ 329, 331 aamma« peerneqarpoq.

12. *Ilanngussaq 1, nr. 3*-mi, »akiliisarnermik kiffartuussinerit pillugit Danmarkimut inatsit« imatut allangortinneqarpoq: »akiliisarnermi kiffartuussinerit aamma elektroniskimik aningaasat pillugit inatsit, kunngip peqqussutaatigut Kalaallit Nunaannut atulersinneqartoq«.

13. *Ilanngussaq 2, nr. 4*-mi, »akiliisarnermik kiffartuussinerit pillugit Danmarkimut inatsit« imatut allangortinneqarpoq: »akiliisarnermi kiffartuussinerit aamma elektroniskimik aningaasat pillugit inatsit, kunngip peqqussutaatigut Kalaallit Nunaannut atulersinneqartoq«.

14. *Ilanngussaq 2*-mi nr. 15-tut ikkunneqarpoq:

»15) elektroniskimik aningaasanik atulersitsineq.«

§ 2

Peqqussut ulloq x. xx 2015-mi atuutilissaaq.

¹ Aalajangersagaq ima oqaasertaqarpoq: »*Imm. 1.* Inatsit Savalimmiunut aamma Kalaallit Nunaannut atuutinnngillat, taamaattorli imm. 2 aamma 3 takukkit. *Imm. 2.* Inatsimmi §§ 1-3 kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atulersinneqarsinnaavoq, savalimmiuni aamma Kalaallit Nunaanni pissutsit naapertorlugit allannguuteqartillugu *Imm. 3.* Inatsimmi § 4 kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atulersinneqarsinnaavoq, Savalimmiuni aamma Kalaallit Nunaanni pissutsit naapertorlugit allannguuteqartillugu.«